

ՀԱՅԱՍՏԱՆԻ ԱՆԿԱՄՈՒԹԵԱՆ ԶԱՏԱԳՈՎԸ

Յ. ՇԱՀԱՄԻՐԵԱՆ

(«ՈՐՈՒԿԱՅԹ ՓԱՌԱՅ»)

Գրեց՝ ԻՐԱԶԵԿ

ՀԱՍԱՐԱԿԱԿԱՆ ԿԱՐԳԵՐ

Շահամիրեանը, ինչպէս ասացինք, աշխատում է նախատեսել ասպագայ Անկախ Հայաստանի հասարակական ամբողջ կեանքը եւ նրա բոլոր երեւոյթները կազաւորել, համապատասխան օրէնքներ դնելով: Նրան առանձնապէս հետաքրքրում է ժողովրդի բարեկեցութիւնը, ուստի եւ նա իր գլխաւոր ուշադրութիւնը դարձնում է այդ առարկայի վրայ:

Նա գիտէ, որ ամէն մի հասարակութեան բարեկեցութեան առաջին հիմքը ուսումն է, լուսաւորութիւնը, որովհետեւ ուսման միջոցով հեշտանում է բարեկեցութեան հասնելու ճանապարհը, մանաւանդ այն ժամանակներում: Դրա համար էլ նա պահանջում է ամենից առաջ պարտադիր ուսում բոլոր երեխաների համար — տղայ եւ աղջիկ: Պահանջում է դպրոցներ — սկսած «ծայրագոյն» մայրաքաղաքից մինչեւ յետին «կրտսեր» գիւղը, որ ունի մինչեւ 25 տուն բնակչութիւն:

Ամենափոքրիկ դպրոցն անգամ պիտի ունենայ երկու ուսուցիչ կամ — ինչպէս ինքն է ասում — երկու «վարպետ»: մէկը բոլոր տղաներին ու աղջիկներին ուսում տալու համար, «վասն ուսուցանելոյ մանկանց հայոց բառիւ եւ տառիւ ընթերցմունս». միւսը՝ միայն տղաներին «գինուորութեան արհեստը» սովորեցնելու համար (նա):

Գյւղոցական դործի ղեկավարութիւնը յանձնում է պետութեան, մասնաւորապէս նահանգի իշխանին, պարտաւորեցնելով նրան իր իշխանութեան սահմաններում դպրոցներ բանալ (շժա) եւ պետական բիւջէից որք մանուկների ուսման ծախսերի համար 100,000 դահեկան յատկացնելով (մեք): Մինչեւ իսկ ապօրէն երեխաների համար պետութիւնը իւրաքանչիւր նահանգում պահում է երկու դըպրոց, մէկը տղայոց, իսկ միւսը աղջիկների հա-

մար, ուր նրանք սովորում են մինչեւ 12 տարեկան հասակը (նժը):

Այդ ամէնի հետ միասին՝ պետութիւնը խրախուսում է զիտութիւնը, արհեստները, օգնութեան դալով ինչպէս բոլոր արհեստաւորներին, այնպէս էլ զիտնականներին, որոնց թւում յատկապէս «փիլիսոսփաներին, աստղաբաշխներին, բժիշկներին, երաժիշտներին, ճարտասաններին եւ այլն» (նիէ):

Հասարակութեան բարեկեցութեան միւս ամենադաշտաւոր հիմքը տնտեսականն է: Ահա թէ ինչո՞ւ Շահամիրեանը այնքան մեծ կարեւորութիւն է ընծայում Հայաստանի ազգաբնակչութեան տնտեսական բարձրացմանը:

Գիտակցելով, որ Հայաստանը զերազանցօրէն զիւղատնտեսական երկիր է, ամենքից առաջ նա աշխատում է զիւղատնտեսութեան զարգացումն ապահովել մի շարք օրէնքներով: Նա պահանջում է, որ բոլոր հողերը — պետական, եկեղեցական, կալուածատիրական թէ մասնաւոր-սեփականատիրական — ժամանակին պարբրատացուեն, մշակուեն եւ ցանուեն: Թէ՛ նահանգի իշխանը եւ թէ՛ մանաւանդ կերակրապետները պարտաւոր են հետեւելու, որ մի քայլ հող անմշակ, ամայի չմնայ: Անկարողներին եւ կարիքաւորներին նրանք պիտի օգնեն պետութեան բիւջէից, որպէսզի կարողանան իրենց ցանքը դրուել հանել (ն): Իսկ եթէ այդ բոլորից յետոյ այնուամենայնիւ մէկն ու մէկը ժամանակին չցանեց իր արտը կամ չտնկեց իր այգին, այդ դէպքում նրա հողը մշակում է պետութիւնը եւ եթէ 3 տարուան ընթացքում հողի տէրը դուրս չեկաւ իր հողին տէր կանգնելու, հողը ընդմիշտ մնում է պետութեանը (նք, նժ):

Ժողովրդի տնտեսութեանը զարկ տալու նպատակով՝ հեղինակը բազմաթիւ օրէնքներով հովանաւորում է առեւտուրը, արհեստ-